

# KI SAMLA NONGLAMKTIEN

Ishu No. 01

Nailar, 2020





“Hynrei U Trai U la ong ia nga, Wat ong Nga dang khyannah: naba ha kino kino kiba ngan phah ia me men leit keiñ, bad ia kaei kaei kaba ngan hukum ia me men kren keiñ.”

Jeremaiah 1:7

# KI JINGDON

- |   |     |       |
|---|-----|-------|
| 1. Ha ka por mynbarim...                      | Sla | 1-2   |
| 2. Kam don kaei kaei ban pyniakhlad           | Sla | 3-6   |
| 3. Ai rong ianga                              | Sla | 7-9   |
| 4. Ki Ktien U Jisu                            | Sla | 10    |
| 5. Pyrshang ianga                             | Sla | 11-12 |
| 6. Ki khubor na u khulom ka Ellen G.<br>White | Sla | 13    |
| 7. Ki jingshisha ba pynsngewbha               | Sla | 14    |






## ★ Ka por jingiathuhkhana ★ ★

### Ha ka por mynbarim...

La im uwei u khyannah samla uba la kyr teng u Jeremaiah. U kpa jong u ula dei u Hilkiyah uba dei uwei na ki Lyngdoh. Kine ki la im ha ka ri ki nong Benjamin.

Ha kawei ka sngi ka ktien jong U Blei kala wan ha u Jeremaiah bad ong ha u ba naduh ba u la don ha ka kpoh ka kmie jong u, u la shah jied ban long u nongiathuhlypa jong U Blei. U dei ban kren ha ki briew ia ki kyntien kiba U

Blei hi Un ai ha u. Kane kala long ka jingkit kaba khia bad kala pyntieng ia u Jeremaiah. U la jubab ia U Blei da kaba ong ba u la long tang u khyannah rit bad um shym nang hi ruh ban kren. U Blei pat U la ong ha u ba um dei ba un pyrkhath ba u dei tang u khyannah namar U Blei hi Un phah ia u kat shaba U donkam ia u Jeremaiah ban leit bad ban kren ruh ia kiei kiei baroh kiba U Blei U kwah ia u ban kren. Kumta U Blei U la kthah ia ki rymmiang shyntur jong u Jeremaiah bad U la pynthikna ia u ba U la buh ia ki ktien jong U (Blei) ha ki shyntur u shakri jong u.







Halor ka jinghot jong U Blei, u Jeremaiah u la shakri ia U bun bun snem. U la long u nongpyrta jong U Blei ha ki khun ka ri Juda. U da khot ia ki ban leit phai sha U Blei, u la kdew ruh ia ki pop jong ki bad u la maham ia ki shaphang ki jingsniew

kiban wan. Ki briew pat, ryngkat bad u syiem, kim shym la sngap ia u Jeremaiah hynrei u la shah isih pynban bad u la shah pynshitom na bynta ki jingiathuhlypa jong u.

Kawei na ki jingiathuhlypa kaba kongsan bha jong u Jeremaiah kadei kaba u la maham ia ki khun ka ri Juda ba kin sa shah ring mraw da u Nebuchadnezzar, syiem jong ka Babylon, bad kin sa hap im ha Babylon haduh hynñiewphew snew. Hynrei ia kane ka jingiathuhlypa ym shym la don ba ngeit, wat lada kala long na U Blei hi. Kane ka jingiathuhlypa pat kala urlong shisha haka jingsynshar u Zedekiah, syiem ka Juda. La bun bah ki briew kiba la shah ring mraw sha Babylon bad kine ki la kynthup lang bad u syiem bad ka iing ka sem jong u.

U Jeremaiah u la iam bad dwai ba bynta ki briew ki jong u. Kumta ia u la juh tip kum u 'nongiathuhlypa uba iam'.

Katba bun ki briew ki la shah ring noh sha Babylon, ia u Jeremaiah la shah ba un shong beit ha ri Juda bad kumta un sa iap ha ka jinglong tymmen ynda la dap bun ki snem ka jingshakri jong u ia U Trai.❤️

## Kam don kaei kaei ban pyniakhlad

Na ka jinghangit kamra jong ka, ka Rebecca ka la peit ikwah ia ki khynnah kiba la ialehkai haka ior. Ka la kwah eh ban leit ialehkai lem bad ki.

"Rebecca," ka la kynmaw ia u kpa ba u ong ha kata ka step, "phim lah ban leit ialehkai ha ka ior mynta ka sngi."

"Balei, pa?," ka Rebecca ka la kylli. Man la ka sngi ki khynnah marjan ki la ialang ha ka park kaba don hadien iing jong ka Rebecca.

"Shu shaniah ianga, Rebecca. Kam long kaba bha iaphi mynta ka sngi," u kpa jong ka u la ong.

Ha kata ka por ka Rebecca ka la shu doh ia u kpa ha ki ngap ki jong u bad ka la pynthikna ia u ba kan shong khop ha iing bad pule da ka kot. Hynrei mynta ka la long ar jingmut.

Ka itynnad bha shabar, ka la pyrkhath ha lade. Ka la dei shisha naba ka sngi ruh ka la tyngshaiñ bha. Hynrei balei ba u kpa jong ka um shym la shah ba kan leit ialehkai shabar?

Balei ba ka hap ban duh ia ki jingiasngewtynnad baroh? Ynda u la dei u ball ior ha jinghangit jong ka, ka Rebecca ka la rai ba kam lah shah shuh. Ka hap leit



ialehkai lang bad kita kiwei ki khynnah. Da kaba ieh noh iaka kot jong ka, ka Rebecca ka la leit shabar iing. Ka la ialeh ban ong ialade ba ka la don ka por kaba sngewtynnad hynrei ka dohnud jong ka kam sngew suk. Ka la shu peit shane bad shatei ioh kumno re kumno u kpa jong ka un iohi ia ka. Hadien katto katne kynta, ka Rebecca ka la wanphai sha iing. Ka la kwah ba kan poi noh sha la ka kamra shuwa ban wan iing u kpa jong ka.

Ha ka jingkwah poi kloih noh sha la ka kamra, ka Rebecca ka khlem poi iohi ia ka muja kti ba la kum don ha u mawjingkieng bad kumta ka la btuit bad ur. Hadien katto katne ka la sngewthuh ba ka la hap na



shutterstock.com • 1214401927

katto katne ki mawjingkieng bad ha kata ka jinghap kala kum dei haka phrem dur u kpa kaba u juh ieit eh bad kane ka la pait.

Ha kiwei kiwei ki por, ka Rebecca kan jin da la mareh sha u kpa jong ka ban ailad ia u ba un sumar ia ka hadien ka jingur. Hynrei ka khlem leh kumta ha kane ka por. Kumno kan peit ia u kpa mynta? Ka la saitlah ia u bad

pynpait ia ka phrem dur kaba u ieit bha! Ka Rebecca ka la dait ia ki shyntur ban lait na kaban iam eh bad ka la rah ia kata ka dur bad ia id dkoh sha la ka kamra. Baroh kata ka sngi ka la shu thiah ha ka jingpang. Ka met jong ka kalah ktha na ka jingjngem jong ka jingur. Hynrei ka dohnud jong ka- a! katei keiñ kala kham ktha na baroh. Ka Rebecca ka la sngew thikna ba u kpa jong ka un ym ieit shuh ia ka. Hood, ka la saitlah ha ki por mynshwa ruh hynrei ka la sngew ba ha kane ka sien, ka la leh palat. Ka la mutdur ba u kpa jong ka un ym kwah kren shuh ia ka. Kumno hi un dang ieit ia ka?

Ka la iam pait dohnud ha la ka songkhlieh. Ka la ju iajan bha bad u kpa. Ki la ju ialehkai bad pule kot lang. Ki la ju ia rkhe bad ia iam lang. Hynrei kam long kumta mynta. Em. Ka la sngewthikna ba baroh kito ki por jingsngewtynnad ki la



kut lut. Mano ban tip katno slem ka Rebecca kan jin da la thiah kumtei lynda ka wan noh ka nongpynpeit jong ka. Kane ka juh nang ban kren bad wad ia kaei kaei kaba jia ha ka Rebecca bad ka juh ai jingmut ruh kiba bha ia ka. Ha kane ka miet ruh ka la leh kumjuh.


"Rebecca, khun," kane ka nongpeit jong ka ka la ong, "phi lah bakla shisha hynrei phim dei ban bteng ha ka jingbakla jongphi da kaba shong sah hangne. Phi dei ban leit sha I pa jongphi bad rah ruh ia kato ka dur bad iathuh lut kiei kiei baroh ha I."

"O! hynrei ngam lah! Ngam long ba bit dor ban ioh ka jingieit jong I pa," la iam ka Rebecca.

Kane ka nongpeit ka la ong, "Phim shym la bit dor ban ioh ia ka jingieit mynnin ruh hynrei I pa jongphi I ieit iaphi namar phi dei ka khun jong I bad ym namar kaei kaei kaba phi leh ne khlem leh. Hato im juh ong iaphi naduh ba phi dang rit 'Nga ieit iaphi'? Hato phi artatien ia ki ktien jong i? Hato phi da pyrkhath shisha ba ka jingieit jong I ka shong haphi?







Artatien ia ki ktien jong i- kane kadei kaei kaei kaba ka Rebecca kam pat ju pyrkhath mynshwa. Tharai kadei ban leit sha u kpa jong ka, hood, kadei ban leit sha u namar lada kam leh kumta, kan ym sngew suk. Kumta da kaba kynñiuh da ka jingsheptieng, ka Rebecca ka la ia id dkoh sha ka kamra shongkai. Ka la ieng shiphang ha jingkhang bad ka la iohi ia u kpa jong ka ba u dang shong ha ka shuki kaba u juh sngewtynnad eh, kumba u juh leh man la ka miet. U la peit katba ka nang rung bad u la puh samrkhie. "A, phi la wan! Nga lah ap. Ale, shong ha jingthum jongnga." Katba u nang kren u la kner ia la ki ksangkti.

Ka Rebecca kam lah shah shuh. "O, phim sngewthuh, pa! Phim lah ban ieit shuh ianga. Nga la long sñiew bha bad-" Ka Rebecca ka la pyni ia ka phrem ba u kpa un iohi.

"Nga tip, Rebecca- khambun ban ia kaba phi pyrkhath. Nga la peit iaphi ba phi mih shabar. Nga la iohi ba phi hap bad kum dei ha kato ka phrem. Nga la iohi lut."

"Shisha?," ka Rebecca ka la kyndit. "Hynrei- hynrei,

phim shym la don ha jingtrei?"

U kpa jong ka u la kyrngah ia ka khlieh. "Nga la shim shuti ban pyllut por bad phi. Ta ka daw nga la ong iaphi ban ym leit lehkai shabar. Naduh ba nga iohi ba phi ur, nga la angnud ba phin wan sha nga ba ngan iohi sumar ia ki jingjngem jongphi. Hato phin wan mynta?"

Ka Rebecca kam lah ngeit ia ki skhor jong ka. U Kpa jong ka u la thmu ban pynlut por bad ka... bad ka la duh noh ia kata. O, ka jingbiej! Hynrei wat la katta ruh u kpa jong ka u la tip lut bad u dang ieit hi ia ka. Hato kalah ban long? "Hynrei, pa, kumno phi lah ban ieit ianga mynta?"

U kpa ka Rebecca u la puh samrkhie kaba kan ym klet shuh. "Rebecca, khun, nga la ieit iaphi shwa ban kha iaphi. Phi dei ka khun jongnga bad ngan iai ieit beit iaphi. Wat lada ki kam jongphi hateng hateng kin wanrah ia ki jingsngewsih, kan ym don kaei kaei kaban pyniakhlad iaphi na ka jingieit jongnga. Hato phin wan mynta ba ngan iarap iaki jingjngem bad jingpang jongphi?"



“Uei uban pyniakhlad noh ia ngi na kata ka jingieit jong U Khrist? Ka lanot lane ka shipa, lane ka jingpynshitom bein, lane ka jingthngan, lane ka jinglyngkhuid, lane ka jingma, lane ka waitlam? Kat kumba la thoh: Na ka bynta jong Me la dang pyniap ia ngi baroh shi sngi, la ñiew ia ngi kum ki langbrot ia ka jingpyniap. Hynrei ha kine kiei kiei baroh kein ngi jop thiaw da uta uba la ieit ia ngi.” Rom 8:35-37 ❤️

Ia katei ka jingiathuhkhana la shim na ka:

<https://www.christianperspective.net/articles/stories> ha u Nailar 11, 2020.



“For I know  
the plans I  
have for  
you.”



**Jeremiah**  
**29:11** ESV

[www.ChristianPreschoolPrintables.com](http://www.ChristianPreschoolPrintables.com)

Images: iStockphoto.com/Marko Jelic, Alamy

# AI RONG IANGA



# AI RONG IANGA





## Ki Ktien U Jisu

"Suk kiba duk ha  
ka mynsiem: naba  
jong ki long ka  
hima ki bneng.

Suk kiba sngewsih:  
naba yn pyntngen  
ia ki.

Suk kiba jemnud:  
naba kin iaioh ia ka  
khyndew.

Suk kiba thngan

bad kiba sliang ia ka hok: naba yn pyndap ia ki.

Suk kiba isynei: naba yn isynei ia ki.

Suk kiba khuid ha ka dohnud: naba kin iohi ia U Blei.

Suk kiba pyniasuk: naba yn khot ia ki ki khun U Blei.

Suk kiba ioh pynshitom na ka bynta ka hok: naba jong ki long ka  
hima ki bneng.


Suk ma phi haba kin iakrenbein bad pynshitom ia phi bad ba kin  
ong ki ktien bymman baroh ruh ia phi na ka bynta jong Nga, haba  
ki shu lamlar.

To iakmen, to iashad kmen ruh: namar kaba khraw ka bainong jong  
phi ha ki bneng: naba kumta ki la iapynshitom ia ki nongiathuhlypa  
kiba la mynshuwa jong phi." ❤️




The Sermon on the Mount (Matthew 5-7) • Luke 23, Sunday 1 • © 2022 L&W. OK to Post

-(Ka jingsuk kaba shisha, Mathaios 5:3-12)



# PYRSHANG IANGA




Pyniahap iaki kyrteng na kolom A bad ki jubab ha kolom B:

A		B	
1.	Moses	I	Ka la long syiem ka ri Persia
2.	Daniel	II	U la ialeh pyrshah ia u Dabid
3.	Dabid	III	U la long nongialam ki khun Israel hadien ka jingiap noh u Moses
4.	Esther	IV	U la shah bret sha krem ki sing
5.	Solomon	V	U la shah phah da u Blei ban leit sha Nineveh
6.	Ruth	VI	U la shah pynsleh Syiem ki Israel da u Samuel
7.	Joshua	VII	U la shah ting khun da ka khun u Pharoah
8.	Absalom	VIII	Ka la dei ka pyrsa kurim jong ka Naomi
9.	Jeremaiah	IX	U la long syiem hadien u Dabid
10.	Jonah	X	U la iam na bynta ki khun ka ri Juda

# PYRSHANG IANGA

Thoh ia ki pateng u Adam  
naduh uba wan shuwa haduh  
uba wan hadien eh (Jingiarap:  
Genesis 5).



Methuselah, Cainan, Ham, Enoch, Mahalaleel, Seth, Jared, Enos,  
Japheth, Noah, Shem, Lamech.

1. \_\_\_\_\_
2. \_\_\_\_\_
3. \_\_\_\_\_
4. \_\_\_\_\_
5. \_\_\_\_\_
6. \_\_\_\_\_
7. \_\_\_\_\_
8. \_\_\_\_\_
9. \_\_\_\_\_
10. \_\_\_\_\_
11. \_\_\_\_\_
12. \_\_\_\_\_



## Ki Khubor na u Khulom Ka Ellen G. White

U Trai u don ka kam kaba kyrpang ia ngi iwei pa iwei. Katba ngi dang iohi ia ka jingsniew jong ka pyrthei ba paw ha ki iing shari bad ki kot khubor, to ngin iai jan sha u Blei bad da ka jingngeit kaba im, ngin bat skhem ia ki jingkular jong U khnang ba ka jingaiei U Khrist kan paw ha ngi. Ngi lah ban don ka jingktah kaba don bor ha ka pyrthei. Lada ka jingsngewskhem ha ka bor U Blei ka don ha ngi, ngin lah ban khring ia ki mynsiem na ka pop sha ka jingkylla.



Ka jinglong shida jongngi ka lah ban pyndep shibun kiei kiei ha kane ka kam. Ngim dei ban ialeh ban ioh iaki kyrdan kiba heh lane ban ioh ia ka jingiaroh ki briew. Ka jingthmu jongngi kam dei ba ngin long kiba khraw duh. Ngi dei ban khmih beit thik thik sha ka burom U Blei. Ngi dei ban trei da ka jingstad baroh kaba U Blei U ai ha ngi da kaba buh ialade ha lynti ka jingshai khnang ba ka jingaiei U Blei kan wan ha ngi bad pynwandur iangi ha ka jinglong kaba kynja Blei. Ka bneng ka ap ban theh ia ki jingkyrkhu bah ha kita kiban aiti ialade ha ka kam jong U Blei ha kine ki sngi khatduh jong ka histori ka pyrthei. Ia ngi yn shah tynjuh; ngi lah ban hap iaaid lyngba ki miet khlem thiah; hynrei to ai ba ha kum kine ki por, ngin pynlut por ha ka jingduwai sha U Blei khnang ba ma U hi Un ai jingsngewthuh iangi ban pyntbit ia ka jingmut jingpyrkhat jongngi ban sngewthuh ia ki kabu kiba long ki jongngi.

-Khubor ia ki Samla, Lynnong 3

## Ki jingshisha shaphang ka met briew

- U klonsnam jongphi u tied kumba 100000 sien shisngi, 36500000 sien shisnem bad kumba shi billion sien lada phi im palat 30 snem.
- U khmut bad ki skhor jongphi ki nang iai san baroh shi lynter ka jingim jongphi.
- Ka liang kadiang jong ka jabieng jongphi ka pyniaid iaka liang kamon jong ka met jong phi bad ka liang kamon jong ka jabieng jongphi ka pyniaid ia ka liang kadiang jong ka met jongphi.



## Ki jingshisha shaphang ki jingthung jingtep

- U siej u lah ban san stet bha. Ki don ki jait siej kiba lah ban san kumba shi mitar (3.28 phut) ha ka shi sngi!
- Ki kynja jingthung jingtep kiba shem hapoh ki um kum ka ahor kilah ban kylla dewiong lyngba ka 'metamorphosis' lane ka jingkylla jinglong.
- Ki don kumba 200,000 jait ki jingthung jingtep ba la lah ban ñiew kyrteng bad kane ka lis ka nang jrong man la ka sngi.

# Ia kitei ki jingtip la sot na:

<https://www.sciencekids.co.nz/sciencefacts/humanbody.html>

<https://www.sciencekids.co.nz/sciencefacts/plants.html>

ha U Nailar 12, 2020.

JINGTHOH



JINGTHOH

JINGTHOH

## LA PYNMIH DA KA CHRIST IN YOU MINISTRIES

Ia ine I kot lyngkdop ki khyannah la pynmih man la u bnai bad ym donkam siew eiei ruh ban ioh ia i. La pynmih ia ine I kot ban iarap ia ki khyannah ba kin tip shuh shuh ia ki jingshisha bad jingngeit ka Baibl. Ine I kot ilah ruh ban iarap ia ki kmie ki kpa haka jinghikai jongki shaphang ka Baibl ha ki khun ki kti jongki. Kumta la kyntu ia ki kmie ki kpa bad ki khyannah ruh ban iasam ia ine i kot naba "phi la pdiang ei, phin ia ai ei."

Phi lah ban phone iangi ha kine ki nombar harum:

+91 8794262391

+91 8258877230

+91 7005673218

+91 7005910655